

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 28. sjednici, održanoj dana 08.11.2019. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Inicijativi Ahmić Amera, poslanika u Skupštini Zeničko-dobojskog kantona, vezano za prijedlog izmjene Zakona o osnovnoj školi („Službene novine Zeničko-dobojskog kantona“, broj: 3/18) i prijedlog izmjene Zakona o srednjoj školi („Službene novine Zeničko-dobojskog kantona“, broj: 9/17).

II.

Zaključak sa Mišljenjem Ministarstva za obrazovanje, nauku, kulturu i sport iz tačke I. upućuje u dalju skupštinsku proceduru.

III.

Zaključak stupa na snagu danom donošenja.

Broj: 02-_____/19
Datum, 08.11.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

Na podnesenu poslaničku inicijativu, na 14. sjednici Skupštine Zeničko-dobojskog kantona, od 30.09.2019. godine, od strane poslanika Ahmić Amera, a vezanu za prijedlog izmjene Zakona o osnovnoj školi („Službene novine Zeničko-dobojskog kantona“, broj: 3/18) i prijedlog izmjene Zakona o srednjoj školi („Službene novine Zeničko-dobojskog kantona“, broj: 9/17), Ministarstvo za obrazovanje, nauku, kulturu i sport Zeničko-dobojskog kantona, daje sljedeće:

MIŠLJENJE

Razmatrajući podnesenu poslaničku inicijativu koja se odnosi na izmjene Zakona o osnovnoj školi („Službene novine Zeničko-dobojskog kantona“, broj: 3/18) i Zakona o srednjoj školi („Službene novine Zeničko-dobojskog kantona“, broj : 9/17) u segmentu ukidanja proljetnog raspusta moramo navesti da se u Skupštini Zeničko-dobojskog kantona već **vodila stručna rasprava** o opravdanosti uvođenja proljetnog raspusta, prilikom razmatranja prijedloga Zakona o osnovnoj i Zakona o srednjoj školi.

Stručna rasprava je vođena od strane podnosioca inicijative, resornog Ministarstva i obrazovnog sindikata nakon čega inicijativa nije dobila potrebnu većinu, te se ostalo pri stavu da je Zakonsko rješenje oko uvođenja proljetnog raspusta **pedagoški opravdano i dio je reformi obrazovanja na putu ka EU**.

S tim u vezi Vlada Zeničko-dobojskog kantona, Zaključkom broj: 02-02-2811/18. od 22.02.2018. godine, nije prihvatila Amandman I poslanika u Skupštini Zeničko-dobojskog kantona Amira Ganića i Meldine Ugarak na Prijedlog Zakona o osnovnoj školi.

U pogledu vaše inicijative da se zimski raspust produži za jednu sedmicu moramo naglasiti daje trajanja zimskog raspusta definirano članom 32. Zakona o osnovnoj školi („Službene novine Zeničko-dobojskog kantona“, broj: 3/18) i članom 39. Zakona o srednjoj školi („Službene novine Zeničko-dobojskog kantona“, broj : 9/17) i reguliše se Nastavnim kalendarom, koji na prijedlog Pedagoškog zavoda, donosi Ministarstvo za svaku školsku godinu.

Navedenim članovima Zakona o osnovnoj i srednjoj školi, Ministarstvo može odobriti produžetak zimskog raspusta najduže jednu radnu sedmicu, zbog klimatskih ili drugih uslova, ali da u toku školske godine bude ostvaren godišnji fond nastavnih sati predviđen nastavnim planom i budu realizovani programski sadržaji.

U pogledu vaše inicijative da se skрати nastavna godina za jednu sedmicu, član 30. Zakona o osnovnoj školi („Službene novine Zeničko-dobojskog kantona“, broj: 3/18) propisuje trajanje nastave u osnovnoj školi, koja po polugodištima traje 37 radnih, a programski sadržaji propisani Nastavnim planom i programom se realiziraju u 35 nastavnih sedmica.

Za učenike završnih IX razreda nastava traje 36 radnih, a programski sadržaji propisani Nastavnim planom i programom se realiziraju u 34 nastavne sedmice.

Član 36. Zakona o srednjoj školi („Službene novine Zeničko-dobojskog kantona“, broj 9/17) propisuje trajanje nastave u srednjoj školi, koja po polugodištima traje 37 radnih, a programski sadržaji propisani Nastavnim planom i programom se realiziraju u 35 nastavnih sedmica.

Za škole koje rade po modularnom nastavnom planu i programu nastavnici programske sadržaje realizuju u okviru 34 nastavne sedmice, a preostalu sedmicu realizuju kao projekt sedmicu.

Za učenike završnih razreda nastava traje 32 radne, a programski sadržaji propisani Nastavnim planom i programom se realiziraju u 30 nastavnih sedmica.

Dakle, smatramo da je trajanje školske godine, kao i dužina trajanja zimskog i ljetnog raspusta, kao i uvođenje proljetnog raspusta **pedagoški opravdano u skladu sa potpunom realizacijom Nastavnog plana i programa kao i procesima približavanja našeg odgojno-obrazovnog sistema odgojno-obrazovnim sistemima članica EU**. Zbog toga resorno ministarstvo smatra da nisu stečeni uslovi za prihvatanje inicijative za izmjene Zakona o osnovnoj i Zakona o srednjoj školi.